

# SCHWARZER INDIONER

4/4-Takt, a-moll. Rockig.

## INTRO

||: Am<sup>7</sup> | G/B | C<sup>add9</sup> | D<sup>sus4</sup> :||

## 1. STROPHE

| Am<sup>7</sup> | Am<sup>7</sup> | Em<sup>7</sup> | Em<sup>7</sup>  
Mei Schlitzzaug, die hob iech ned vo am Deidschn, sondern vo am Soldodn vom Dschingis Khan,  
| Am<sup>7</sup> | Am<sup>7</sup> | Em<sup>7</sup> | Em<sup>7</sup>  
Mei Aungbrau schaua aus wi zwaa Schrubber, die sin nichd vom Theo Waigel, sondern asn Iran.  
| D | D | Am<sup>7</sup> | Am<sup>7</sup>  
In mein Bauch undn drin bumberd a Infekd, den hob iech mier ghuld bom heimlich Radioheärn,  
| G/B | G/B | C<sup>add9</sup> | C<sup>add9</sup>  
und der kummd ieber New Orleans as Afrika, und drum bin iech immun gecher braune Lehn.

## REFRAIN

| Am<sup>7</sup> | G/B | C<sup>add9</sup> | D<sup>sus4</sup>  
Ich bin lieber a schwarzer Indioner mid Aung as China, rode Hoär,  
| Am<sup>7</sup> | G/B | C<sup>add9</sup> | D<sup>sus4</sup> | Am<sup>7</sup> | G/B | C<sup>add9</sup> | D<sup>sus4</sup>  
lieber a arabischer Händler, wi a reinrassich dumbfer deidscher Mo - o - o - o - o .

## 2. STROPHE

Mei fränkischer Akzend, der is fei aa ned Deidsch, sondern stammd raus vom Kisuaheli.  
A Ratz bodsi in der Wanna, und di Ratz bodsi aa, ey doumoumerwodou, oh wossamoumousa.  
Im Verdrooch stehd in arabische Zohln mei Gage, wu iech mier nacherd hul.  
Aa fiers Bier worn di Germana zu bleed, ohne Mönch as Irland sauferd iech nu an Med.

## REFRAIN

## 3. STROPHE

Und du sagsd: Stop, Giros, Pizza, Calamari, do blabbd mier vur Grausn is Maul offn steh.  
Des ganze Gfreß, des is zum Speier, iech will lieber mei Gleeß und kann Chop Suey.  
Obber glaab mers, du fressersd nu Hoferschleim, hädd ned domols a freindlicher Indio  
dem Columbus an Zendner Ärbfl eibackd. Alles Gude kummd vo draußn, bloß di Debbm sin zum Grausn.

## REFRAIN ohne letzte 4 Takte

## SCHLUSSREFRAIN

| Am<sup>7</sup> | G/B | C<sup>add9</sup> | D<sup>sus4</sup>  
Ich bin lieber a schwarzer Indioner mid Aung as China, rode Hoär,  
| Am<sup>7</sup> | G/B | C<sup>add9</sup> | D<sup>sus4</sup> | C<sup>add9</sup> | C<sup>add9</sup>  
lieber a arabischer Händler, wi a reinrassich dumbfer deidscher Mo.